

HYSTERERGIA MEDICA,

Von

Der Sach = Sur.

Quam

AUSPICE DEO. PROPITIO,
Et Consensu atque Auctoritate Gratiſſæ Facultatis Medicæ,
IN ALMA REGIA FRIDERICIANA,
P R Æ S I D E

DN. D. MICHAELE ALBERTI,

SACR. MAJ. REG. BORUSS. AULICO ET CONSIST. MAGDEB.

CONSILIARIO, MED. ET PHILOS. NATUR. PROFES.

SORE PUBLICO ORDINARIO, ETC.

DECANO SUO SPECTATISSIMO,

Domino Patrono, Præceptore ac Promotore suo, omni honoris cultu prosequendo,

PRO GRADU DOCTORIS

SUMMISQUE IN MEDICINA HONORIBUS ET PRIVILE
GIIS DOCTORALIBUS LEGITIME IMPETRANDIS,

HORIS LOCOQUE CONSVETIS,

ANNO MDCCXXXVI. D.

APRIL.

PUBLICÆ AC PLACIDÆ ERUDITORUM VENTILATIONI SUBJICIET
RESPONDENS

JOH. DANIEL SCHNAPPERUS,


GIENGA - SUEVUS.

HALAE MAGDEBURGICAE,


TYPIS JOH. CHRISTIANI HENDELII, ACAD. TYPOGR.

Digitized by the Internet Archive
in 2019 with funding from
Wellcome Library

<https://archive.org/details/b30779662>



PROOEMIUM.



Nnumera sane eaque æ-
 quitatis ac rationis normæ ma-
 xime congrua sunt merita at-
 que officia, quibus benefica na-
 tura fragile corpus humanum
 in œconomia vitæ naturalis be-
 are & fulcire solet, ita, ut oppu-
 gnatores & perduelles illius in propria sua viscera
 sæviant & grassentur, qui pertinaci livore & morda-
 ci odio negative concludunt, se velle, ut ea in se re-
 gnaret, wir wollen nicht, daß dieser über uns herrsche, quin
 rectius cum coaxantibus & salientibus ranis æsopi-
 cis, aut truncum, aut elastico rostro gloctorantem
 ciconiam, quippe regem, motorem & directorem in
 œconomia vitæ naturalis seligunt: ideo varia fabu-
 losa vituperatione eadem torquetur & afficitur: eam
 ob injuriam LANGIUS *Lib. 2. Ep. 2. pag. 544.* exclamat:
Natura (inquiunt EFUS CALUMNIATORES) hominem

in die natali nudum & inermem, velut naufragio ejectum, supra nudam humum enixa statuit, & p. 547. valeant igitur in perpetuum philosophiæ Democriti & Epicuri assertores, qui naturam, quod hominem nudum & inermem medicinæ-que ignaram, deterius quam bestias conditione produxisse calumniari non erubescunt: Opera vero quibus natura officiosam se præbet, æque ita discrepant, ac communiter dicitur, quot capita, tot sensus: ideoque similis iudicii imbecillitas esset, si quis ex sinistris, periculosis, præmaturis, aut cunctatis & serotinis processibus naturam irrationalem declarare vellet, ac hæc eadem decisio & cognitio turbulenta, perversa, præcipitata & erronea existit; ut hoc respectu æquipollens enunciatio sit, naturam stolidam æstimare, ac tale iudicium fatuum prædicare: eaque propter haud subito naturam quis invehere, irruere, invadere & insultare debet, si non juxta nostrum arbitrium, censuram, captum, & dictaturam negotia sua instituerit: omnia suos habent ortus, sua incrementa suosque exitus: horæ, moræ & circumstantiæ variant; hinc quædam mature, alia successive eveniunt, & non raro moderatæ & sedulæ actiones melius metam, quam præcipitatæ & turbulentæ assequuntur: Ingenuus itaque naturæ minister judiciose & attente hæc opera & tempora, hosce ordines & modos agendi observat, nec vagis opinionibus, aut sciolis imaginationibus confundit, obscurat & diffamat: hinc nigri, pigri & fatui iudicii character est, si qui præoccupati censores ludicre obganniunt, pigrum assertum esse, naturam rationalem venerari; quasi vicissim

sim sedulitatis, si non rectius stupidæ credulitatis index esset, naturam irrationalem & chimæricam supponere. Quemadmodum enim per individualem discrepantiam quidam homines negotia sua uno eodemque successu & processu exequuntur, alii vicissim pro circumstantiarum varietate & vicissitudine quod in opere quodam præcipuum est, intensiori applicatione atque virtute perficiunt, quod reliquum est, placide & tacite successiva mora administrant, siquidem haud in quolibet opere causæ & circumstantiæ unam continuam desiderati & necessarij finis prosecutionem permittunt: Satis nervose candidus, judiciosus & peritus B. LENTILIUS in *Eteodromo suo medico-practico* (posteaquam in *Præfatione* p. 9. professus est: *Praxin hypothesebus meis inædificatam hætenus per Dei gratiam in triginta tribus annis exercui non infelicem, quin ne vos omnes infelicius medicemini ex toto pectore precor: Stabliana fundamenta mihi, fateor, placent, junioribusque medicis, quibus otium legendi & meditandi superest, ut ea sibi familiaria reddant, suadeo, Senior autem sum ego & nimium occupatus, ut ista demum in succum, quod aiunt, & sanguinem vertere possem, generalioribus de iis conceptibus contentus. Vos igitur Practicos juniores NB. Senex hic ingenuus & celebris fuit Practicus; adhuc semel omni sedulitate monitos esse velim, ne nisi in praxi misere hallucinaturi, rerum novarum cupidine seducti, cuilibet recenti hypothetico fidem adhibeant: Nam pro thesauro carbones, si non semper, ut plurimum tamen ex illis colliguntur, quod non semel expertus assero) p. 393. eloquitur: Sat temporis est, quod naturæ sat est; & quod naturæ sufficit, sufficit etiam*

Cura: quo itaque alii ad verio- rem, sincerio- rem & penitio- rem naturæ cognitionem perveniant, ita illos p. 203. adhortatur & alloquitur: obtestor Juvenes, ut non tam facile credant hypothesis noviter effectis, & per phisicos automatarios suaviter magno ingenio excogitatis, quibus si praxin suam inædificare sustinent, nec magnum errant errorem. Quicunque itaque naturam odio prosequuntur, illi nec rationali & sobria methodo morbis mederi sciunt, sed erroneas fingunt indicationes maximaque inconstantia incertitudinem scientiæ & peritiæ suæ produnt: Eaque propter sat sæpe in rite cognoscendis effectibus & operibus naturæ acquiescere, & si juxta SCRIBONIUM LARGUM & CELSUM ut S. P. Q. B. p. 15. etiam testatur, medicina ars sanandi, non nocendi est, hæc tempora, moras, horas, curas, ordines ac processus naturæ oculis judiciosi & serenisi, non lusciosis, cornutis & fucatis intueri & annotare, imo prudenter imitari debemus: ideo ex fructibus, effectibus & operibus cognoscere licet naturam non stupidam, brutam & plane irrationalem esse, hinc aliquando de meliori æstimatione & dijudicatione valet illud EURIPIDIS in Hippolyto δέύτεραι φροντίδες σοφότεραι cogitationes posteriores, sapientiores esse solent prioribus: quid? quod veritati perquam consonum est, quod Syracides elocutus est cap. 18. v. 6. non est minuere aut augere, sed neque pervestigare Domini miracula: cum absolverit homo, tum incipiendum erit, & cum destiterit, tum dubitabit: & cap. 43. v. 34. 35. multa occulta sunt his majora, pauca enim ejus operum didicimus: nam fecit omnia Deus, deditque piis sapientiam. Non paucis vero occul-

occulta sunt naturæ opera, sua quidem propria culpa, quia naturam non agnoscunt, eaque propter ignoti nulla est cupido: quædam vero eadem natura operatur, quæ attentionem merentur, ita ex ante occultis, nunc manifesta fient: hinc Meisnerus Philos. *sobr. Sect. 1. qv. 6. reg. 3. Sect. 4. qv. 5. p. 1180.* dicit: *in natura multa latent ἀγνώστα, quæ nisi fieri videremus, nunquam crederemus, sed inter ἀδύνατα ἔ' ἀντιφάτικα referemus:* dum itaque judiciosæ artis Medicæ indicium est, si aliquando induciæ ordinantur, ne nimium sollicito officio artificioso natura obruatur, ut recte indicet & judicet LOCHNERUS, qui in *tr. de Parreira brava A. N. C. Cent. I. II. app. p. 291.* scribit: ETTMÜLLERUS dicit: *ubi nempe ad tempus frustra adhibita fuerint medicamenta (vid. in calculo) subsistatur ἔ' feriæ quasi permittantur naturæ, ne illo usu nimio, plus quam par est ad renes moveantur cruditates: quod observatione EPIPHANII Ferdinandi illustrat: vid. Antonida de Sapient. Medic. §. 25. sæpe nulla res magis admovet laborantem, quam tempestitiva abstinencia, non jam dico a cibo, sed medicina. Audiant, qui interesse honoris sui arbitrantur, ne qua visitatio, transeat sine Recipe. Aliquando sola dies ἔ' quies ut graves morbos sanant, sic magnos motus sedant. In alimentis varietas delectat, in medicamentis paucitas. Sicuti in ethicis idem vagus ἔ' vanus est, ita in medicis præscriptor immodicus fit proscripser ex-tiosus: ita Medicus Naturæ scrutator non turbulentum & confusum sibi de natura sensum formet & fingat necesse est, nec artis & naturæ leges commisceat: genuina enim natura rationes temporis servat, & nunc in medicatrice sua virtute cito, nunc ju-*
cunde,

cunde, nunc arduo processu, nunc post aliquam moram sanitatem restituit: Et hanc qualitatem consequentis sanitatis, tam sub libero processu naturæ, quam sub connubio artis evenientem, placuit præsentī Inaugurali disputatione sub titulo HYSTERERGIAE MEDICÆ explicare; Quæ observatio & disquisitio Practica, notatu etiam digna, sub nostro labore cœlesti adjutorio ita a nobis consecratur, ut salutaris inde sperandus & impetrandus veniat scopus.

§. I.

NOtio præsentis thematis non quidem *technica*, aut artis Medicæ est, sed *generalem* significatum habet, quæ *variis* operationibus humanis applicari potest, & indicat opus *posterius*, aut consequens, *secundum*, futurum eine Nach=Arbeit, Nachwerck, Nachgeschäfte, opus quod post aliquam *moram* temporis & circumstantiarum varietatem, quippe secundarium & *alterum*, prius, *antecedens*, *principalius*, cum quo *cohæret*, excipit & *sequitur*, ideoque peragit, quod præcedente labore *non plenarie* administratum fuerat, eine endliche Vollbringung eines vorhin angefangenen Werckes: nominamus vero hoc negotium *Medicam Hysterergiam*, ut a generali ad *specialem* occupationem illud applicemus, ideoque eandem dicimus esse *Motuum vitalium & connexarum congruarum functionum*, alteram, *ultimam & iteratam applicationem & modificationem ad morbi cujusdam prægressi, admodumque fracti, adhuc vero continuantis plenariam salutarem solutionem post congruorum remedio-*

remediorum usum & utilem effectum a natura vegeta administratam, & post aliquam temporis moram consequentem: ideo in titulo vocavimus eine Nach-Cur, i. e. sanationem, quæ non sub maximo morbi vigore, nec etiam sollicita & operosa remediorum ordinatione & usurpatione, sed post aliquem temporis terminum demum, sequitur: Hanc notionem BRUNO in Lexico ita interpretatur: Rosinus Lentilius hoc nomen licentiose finxit: significat actionem naturæ, quam præcedente cura cum intenderet, post longius plerumque temporis spatium, producit, vel medicus illius subsequituræ in solatium ægrorum morbo chronico correptorum, spem facit, etsi quandoque falsam: hoc solatium non omnino vanum esse LENTILIUS Eteodr. med. præct. p. 610. testatur, inquiens: nec enim esse in Hysterergia medicinali (in der Nach-Würkung) vanum solatium, quod multis persuasum: Sed revera nonnunquam parum contentos a fontibus medicatis domum redeuntes, demum ex hysterergia post multas septimanas voti damnatos fuisse: Vocamus itaque hanc mutationem in meliorem statum ἐγγρον opus, operationem, quæ præmissorum remediorum operationem physicam & alterationem aut in humores impuros, crassos, viscidos &c. aut in organa plus minus obstructa, aut in vasa occlusa, aut in motus anomalos comparate communicatam, excipit & prosequitur, ut nunc ulterius leniori & temperationi progressu humores emendentur, organa & vasa permeabilia & aperta reddantur, nec non motus in meliorem ordinem transeant: ideo hæc hysterergia non in abstracto, sed in concreto, non in privatione & quiete, sed in actione continuante consistit: Hæc operatio hysterergiæ cohæret cum proterergia, dum supplet & configit, quod prior me-

B

dela

delata magna ex parte præparavit & aptavit, ita ut hoc *con-*
sequenti opere nec tali *strenua motuum* exercitatione, nec
 tam *sollicita* & multa *remediorum* oblatione opus amplius,
 sed *propriis* viribus *moderato* successu elaborari possit,
 quod ad *integræ* sanitatis restitutionem pertinet; id quod
 tanto magis sperare licet, si in præcedente *intensiori* ma-
 gisque arduo morbi progressu *vires* ægrotantium *non ni-*
mium dilapidatæ & oblata *remedia* non valde salubri sua
 efficacia *destituta* sunt; quare hæc hysthergia, eine Nach-
 Arbeit, juxta *naturalem* sensum requirit proterergiam ei-
 ne Vor-Arbeit oder Vor-Würkung: ideoque hæc opera-
 tio *Medica*, i. e. *salutaris*, non tam in *contemplatione*, opi-
 nione, præsumptione & fiducia, quam executione & *effe-*
ctu consistere debet: ob id hæc observatio, quia circa
Naturæ in œconomia *vitali* administrari solita officia, cir-
 ca *morbos* horumque *salutares* præc. decursus, circa *na-*
turæ & *artis* commercium, circa *medicamentorum* saluti-
 feram directionem & sublevationem, circa *vires* & *vigo-*
rem naturæ in *corporis* protectorio, circa motuum *vitali-*
um salubrem prosecutionem, imo circa *singulares* plane
morbosarum causarum directiones versatur, ad *Medicum*
 etiam forum jure meritoque referri meretur.

§. II.

Præterea veritati apprime conforme est, quod D I E-
 TERICUS in *Fatreo Hippocr.* p. 517. observationis attentæ
 integritate prodit & testatur: *quosdam esse morbos, qui*
tardam amant manum pharmaceuticam, non tumultuariam,
 & quod ideo conveniat, morborum *decursus* rite annota-
 re & perite tractare, ne audaci præcipitantia *salutares* il-
 lorum exitus turbentur: inter alias selectas consideratio-
 nes

nes & utiles observationes, quæ ex Hippocratis oraculo ad posteros propagatæ sunt, hanc etiam B. STAHLIUS in *notis ad Satyr. Harvei cap. 1. p. 16.* allegat: *intercurrebant in sensus, inquit, perpetua exempla, quomodo natura in variis morbis expectet maturationem: maturas materias seceruat & secretas excernat: unde nihil impetuose & fugitive, aut in spontanea, aut artificiali curatione perfici debet, sed provide ac judiciose operationum salutare successus expectandi & subordinandi sunt: videtur cum hac consideratione quadantenus convenire observatio, quam HIPPOCRATES Lib. de nat. hum. §. 17. text. 1. sq. profert: quicunque morbi hyeme augescunt, æstate desinere solent: quicunque vero æstate augescunt, hyeme finire consueverunt, nisi certo dierum circuitu discedant: quicunque autem morbi vere fiunt, ad autumnum eorum discessum fore expectare oportet: quicunque postremum autumnales morbi sunt, eorum discessu necesse est vere fieri &c.* Sermo Hippocrati est, de solutione morbos prægressos per rationem & variationem anni temporum consequente, quæ non proxime, sed post plus minus longam temporis moram & distantiam supervenit; ideoque *certo respectu* & interpretationis modo *Hysterergiæ* adscribi potest: *nec tamen talem successivam curationem in omnibus casibus soli naturæ hujusque spontaneis tribuimus viribus, sed in nonnullis affectibus medicamentis, quod suum est, horumque operationi, in distantiam temporis se extendenti, illam, quantum par est, adscribimus; nec præterea uni soli speciei remedi hanc synergeticam qualitatem assignamus, uti quidem de nonnullis medicamentis innotescit, sed varias medicamentosarum talium substantiarum ejus efficaciam esse ex-*

perimur, quod sanationem *pedissequam* demum comple-
 ctantur, ne extemporaneam & *præsentaneam* opem con-
 ferant, haud tamen diffitemur, quod interdum hæc *con-*
sequens curatio *plurimum* spontaneis illis motibus naturæ
 tribui mereatur, ut huc quadret, quod THONERUS *Lib.I.*
obs. 19. p. 35. professus est: *Sæpius contingit, ut medici in*
declinatione morborum, ubi natura victrix, hoc vel illud me-
dium applicent & ægri convalescant, sibi arrogare soliti sa-
lutis causam temere: Inde inclarescit, ejusmodi morbos,
 in quibus Hysterergia expectanda est, *lentos* habere pro-
 gressus, nec oblata remedia citatos & simul ac semel suf-
 ficientes atque completos edere effectus; interea & mo-
 tus *spontanei* & *ante* oblata remedia continuantes suos ser-
 vant progressus atque successus, usque dum *plena*, aut
comparate congrua causæ *morbificæ* emendatio & remotio
 consequatur, indeque successiva curatio obtineatur: Et
 hæc observatio *non nova*, nec a Lentilio demum detecta,
 sed *antiquissima* est, modo hic auctor indicato nomine,
 non incongrue, eam denotaverit: Observanda proinde
 est illa curatio morborum & curationum *differentia* ne
Crises, quæ *certum* temporis terminum, quo morbos *uno*
strenuo decursu procedentes, solvere aut mutare solent,
 observant, neve aliæ *statariæ* atque regulares morborum
 progressus, qui certum horum *typum*, ordinem, indolem
 ac *communem* processum servant & concernunt, cum hac
hysterergia commisceantur, quæ posterior *indistinctum*
 temporis terminum, minusque *typicum* morbi statum
 comprehendit, attamen cum *prævio* morbo, hujusque
continuante progressu atque appendice, nec non adhibi-
 ta *medendi* methodo & medicamentorum operatione ne-
 xum

xum sat evidentem & peritis observatoribus cognitum habet.

§. III.

Curæ posteriores medicæ non *novis* observationibus, *inventis* & experimentis *curiosis* adscribendæ, sed *novæ medicorum industriæ*, qua eadem observatio velut ex antiquitate eruta atque curatius commendata & in veritate facti confirmata fuit, tribuendæ sunt: Specimina hujus hystergię allegarunt HELWIG *observ. phys. med.* 109. p. 307. sub titulo *Nephritici doloris curatio calculo longe post, sine dolore prodeunte*, qui tamen, sub prævio usu remediorum non apparuit, sed post *intermissum* horum remediorum usum, demum prodiit: LENTILIUS in *Eteodr.* p. 610. seq. unum & alterum *hysterergię medicinalis* exemplum, in attenta experientia fundatum, commemorat: aliud specimen ejusdem curæ idem author p. 722. profert, prior æger erat *hypochondriacus* & *arthriticus*, qui cum acidulis, thermis aliisque remediorum speciebus tractatus fuerat, alter *tumore genu dextri*, valde dolorifico, laboravit, variaque interna & externa cum balneis, adhibuit: accedit tertius casus p. 1119. scēminæ cui *multa* auxilia medica & chirurgica adversus *anomalum Mensum* statum sine sufficienter desiderato effectu ordinata erant: impr. autem hic author in *Miscellan. Medico-Præctis* p. 474. amplius fufiusque *de hysterergia medicinali* tractat, denotatque *appellamus autem hysterergiam medicinalem per onomatopœiæ licentiam* (cum aliud commodius aut significantius vocabulum, nunc equidem nobis non incidat) actionem naturæ, qua effectum, quem præcedenti cura intenderat, post aliquod tempus, nunc longius, nunc brevius temporis spatium producit:

Germani vocant: die Nachwürfung, imo quando *antiquiores* medici de *mensura durationis morborum* verba faciunt, *hujus* etiam qualitatis circa *curationes morborum* memoriam faciunt: ideo *AETIUS tetrabibl. 2. Serm. I. c. 1. morbi non semper uno tractu ad salutem tendunt, sed habent sua tempora, moras & mutationes & AVERRHYES Lib. 3. collect. cap. 9. profitentur: auxilia morbis non uno eademque tempore respondent, sed virtutem suam procrastinant: conf. GALENUS Lib. de temporibus morborum passim.* Quemadmodum vero hæc consideratio non speculatione & opinione nititur, sed ad *peculiares* observationes spectat, ita etiam non in *nuda fide historica* subsistit, sed ad *Historiam morborum confirmandam*, & salutare applicationes inveniendas & instituendas multum lucis & subsidii confert, ut interdum consultum, admodumque utile sit, *ordines* atque *decursus* morborum rite annotare, nec hosce nudo *artis jugo* onerare hinc nonnunquam ex sola attenta illorum *observatione* illa vera formatur consultatio, die Krankheit lasse sich nicht zwingen und forciren, man müsse ihr den Lauff lassen, sie werde sich noch endlich auscurirn: Sicut *Do. D. PRÆSES* nupera dissertatione de *Induciis medicis* fusius demonstravit: quamvis etiam interdum verum sit, quod eloquitur *WOLF. observ. chir. med. Lib. I. obs. 22. p. 75. verum enim vero fallaces fuerunt induciæ & simulatam pacem magis exitiabili bello fregit morbus, donec tandem viribus corporis plane consumptis de natura ageret triumphum: Nec ingenuis observatoribus ignotum esse potest, quod quidam morbi sollicita, inquieta & copiosa remediorum oblatione magis pervertantur & exacerbentur; ideo etiam prudentes & periti Medici consiliis suis suadent & præcipiunt,*



piunt, ne *continua* medicamentorum ingestione æger *obruatur*, molestetur & enervetur, sed quo ordinatis aliquandiu remediis *commoda* concedatur & concilietur *mora*, qua virtutem suam *salutiferam* exequi possunt, man müssen denen Urzneyen Zeit zu ihrer Wirkung lassen: cum qua observatione connexa est hæc exclamatio, der letzte medicus habe wieder schlimmi gemacht, was die ersten gut gemacht: ob id quædam *causæ* morbificæ, quidam *morbi*, horumque *gradus*, quidam *ægri*, quædam *remediorum* vires & relationes ad ægrum & morbum, quædam aliæ concurrentes circumstantiæ *talem* habent qualitatem, ut *præsentaneus* effectus *salubris* haud consequatur, sed illud huc quadret, quod vulgo dicitur: man müsse der Zeit erwarten: quod itaque hæc observatio genuino & *exquisito* sensu *Practica* sit, testatur LENTILIUS in *Miscell. Pract.* p. 475. inquit, *solertes practici salutarem Hysterergici effectum sæpius, quam theoretici Medici facile concipere valent, comperiuntur*: Hisce vestigiis, adhuc annectimus illam GALENI considerationem, qua *hanc* morborum *mutationem* & qualitatem, quam nos *Hysterergiam* dicimus in *comment. in Hipp. de morb. vulgar. Lib. 6. aph. 19. 20.* curationes *imperfectas* vocat, de quibus & Hippocr. & Galenus asserunt, *quando aliquid in morbis effusum est, sed insufficienter, ubi aliquid intus relinquitur, quod post moram evacuandum est*: tandem Petri SALII animadversionem in hunc locum addimus, quando commentatur: *dantur morbi, quibus medicamenta occulta virtute salubria sunt, & qui in tractu suo non perfectam sanitatem assequuntur, cum tamen cum medicamentosa vi levati in alium terminum plenam sui solutionem differant.*

§. IV.

Ad subeundam hanc Curationem *secundariam* & *consequentem*, requiruntur certa *Subiecta*, peculiares *Morbi* & selectæ quædam *Medicationes* præmissæ; quorum respectuum jam aliquam ampliorem disquisitionem inire lubet. *Subiecta*, quod concernit, tunc illa *negative* ratione *ætatis* non esse debent *tenera* & *decrepita*, quæ *arduos* & *chronicos* morbos *diu* perferre *non facile* possunt, in quibus *ætatibus breviori* temporis circuitu morbi vel in *melio-*
liorem, vel *deteriorem* statum terminantur, quorum ratio *virium* & *status corporis* talem cunctatam mutationem in melius haud admittit: ideo etiam homines valde *sensibi-*
les, *debiles*, in *atonias* & *virium* amissiones, indeque in *a-*
nimi deliquia proni, *weichliche, schwächliche Menschen*, mul-
tum *adversa* valetudine enervati, sæpe multumque *medi-*
camentis per *varios* casus, per tot *discrimina* rerum, per
varios modos & *medicos* artifices se jactantes, tractati, for-
tioribus *evacuantibus* debilitati, multis atque prodigis
spontaneis *sanguinis* aliorumque humorum *profusionibus*
enervati, in *præcipites* atque immoderatas actiones pro-
clives, qui valde *turbulenti*, inquieti, instabilis, impatien-
tis, variisque aliis *affectibus animi* perturbati sunt; ad hanc
classem pertinent homines *ægrotationum* plane *insueti*,
ad *remediorum* & *auxiliorum* tolerantiam & usum valde
morosi & *adversi*, in observandis regulis & legibus medi-
cis nimium immorigeri & impatientes, in conquirendis
& ingerendis diversis, *discrepantibus*, *multis*, contrariis
remediis domesticis aliisque prodigi & mutabiles, in conci-
liatione *justi regiminis* & congruæ *diætæ* immorigeri, in
observando *ordine* & *methodo* medendi minus obtempe-
rantes

rantes, qui exclamant, *medice vivere, pessime vivere*, sie
 könnten sich nicht so gesetzlich tractiren, noch also zwingen
 und binden lassen: in hanc classen referri merentur, *gu-
 losi, variis diætæ vitiis se destruentes*, qui, ut cum CASP. HOF-
 MANNI verbis, *in orat. medic. i. eloquar, nesciunt habere vi-
 tæ suæ modum, qui pecorum ritu terræ affixi sunt, qui ven-
 tri, gulæque dediti, non vivunt secundum rationem, qui aliis
 vitiis ancillantur, ii capere, quæ dicentur, neutiquam pos-
 sunt*, hætenus enim delineati homines hi sunt, de quibus
 illud valet, quod in sacris ethnicorum eleosiniis, famothra-
 ciis aliisque olim fiebat, cum sacerdos ingressuros incla-
 mabat, ut est apud Callimachum ἐκὰς, ἐκὰς ὅσις ἀλιτρός, *pro-
 cul, o procul esto profanus*: tales enim homines hoc natu-
 ræ beneficio in arduis & intricatis casibus frui non pos-
 sunt: Et quemadmodum Pythagoras hunc mundum κόσ-
 μον i. e. *pulcherrimum ordinem* vocavit, ita microcosmus non
ataxiæ, si juribus & privilegiis naturæ, quibus hysterergia
 adscribi potest, frui desiderat, servire debet: Eapropter
 Subjecta, huc idonea, in positivo respectu ætate, tempera-
 mento & viribus sunt firma, comparate robusta, in adversis
 subeundis & tolerandis non abjecta, nec insueta, quæ ad-
 versa aut *extraordinaria* contingentia aliquandiu patienter
 perferre possunt, quæ non *labe* quadam *immedicabili* labo-
 rant, quibus *ordinariæ* evacuationes non *pertinaciter* sunt
 suppressæ, qui affectus sui morborum *mediocrem* gradum to-
 lerant, in quibus *naturalis vigor* in functionibus *animali-
 bus & naturalibus* adhuc quadantenus operosus apparet,
 de quo statu vulgo eloquuntur: Die Natur wolle sich noch
 helfen, sie wolle nur Zeit haben, daß sie sich nach und nach
 erhole: ideo in ejusmodi subjectis illa *peculiaris* qualitas

C

depre-

deprehenditur, quam *naturam medicatricem* nominant, in quibus hæc aut *manifestis* motibus causæ morbificæ resistit, aut *clanculum successivæ* mutationi in meliorem statum operam suam confert: ejusmodi qualitatibus annumerari debet: quando cum quibusdam subjectis non modo hæc natura suo vigore atque studio agit, quæ conveniunt, sed & ubi oblata congrua *medicamenta* non frustra adhibentur, nec *contraria*, operantur, sed *aliqualem salubrem* efficaciam largiuntur, ita ut *sua* virtute *naturæ* officia sublevent, nec non in diversis *viis, organis, humoribus*, & ipsa *causa morbi* convenientem *præparationem* præstiterint & contribuerint, quo relinquæ operationes naturæ semel ceptum negotium tandem *perficere* & præsentem hætenus *afflictum* statum, in *meliores* qualitatem & conditionem redigere queant: daß sich endlich die Natur-Kräfte durcharbeiten und retten; qualis status propterea non naturas segnes, torpidas, tardas, debiles & *infirmas*, sed promptas, assiduas, negotiosas & *robustas* requirit; siquidem *viribus nimium* aut plurimum exhaustis, *haud* hysterergia *salutaris* promitti & expectari potest: ideo LENTILIUS *Miscell. Pract. p. 475.* ait: *jam ejusmodi curæ, ubi expectationi non statim satisfecerint, per hysterergiam Medici LANGUENTES* consolari solent, qui a multis hinc irriidentur, & objectionem *Hiobiticam* audire coguntur: Consolatores onerosi omnes vos estis *Hiob. 16. v. 2.* Et quamvis diffiteri non possim, ejusmodi solatium sæpe numero evanidum esse & a subsequente letho sigillari, attamen &c.

§. V.

Nec etiam *promiscue* in quibuslibet morbis speranda erit hysterergia, quæ *mensuram & extensionem* temporis requi-

requirit, sub qua *aliquandiu* certa curatio, aut congruorum *remediorum iterata* ingestio & dein aliqualis *mora* temporis succedit & intercedit: ideo LENTILIUS in *Eteodr. p. 610.* dicit: *dixi, me non nisi invitissimum statim post ejusmodi cursus medicatos, propinare pharmaca: sic enim haud raro naturam in hysterergia impediri: expectandos vel duos menses, vel ad minimum sex hebdomadas & tunc an & quid opus sit medicatu, dispiciendum: Ad hanc hysterergiam igitur requiritur mora & terminus, quibus morbus urgente sua vi procedit, nec non quibus certæ medicationes, aut medendi methodi, aut speciales & singulares curationes, eigene besondere Curen, institui & ad exquisitum suum terminum produci possunt, tandem requiritur alia mora aliisque tractus temporis, quo clanculum interea oblata remedia & cum hisce, imo etiam post illorum usum natura salutiferas suas operationes perficere possunt; quæ singulæ circumstantiæ tantum inferunt, quod iterum remotive hysterergiam haud facile aut promiscue expectent, admittant & complectantur affectus *acuti*, sive sint *febres*, sive *alii hujus* qualitatis morbi, quoniam illorum decursus *brevis* temporis ambitu circumscriptus est, nisi hisce affectibus singularis mutatio superveniat, ubi causa morbifica vel per humores dispersa, in *principali* periodo quoad *perniciosas* suas qualitates alterata, mitigata & præparata quidem, sed minus sufficienter evacuata est, unde quidem porro maximus vigor & gradus morbi aliquatenus remittit, post aliquod vero temporis *intervallum plenior* illius causæ morbi- ficæ *excretio*, aut per largos & repetitos *sudores*, aut per liberaliores *diureses*, aut per *alvi fluxum*, perficitur, & ita consequente peculiari operatione naturæ *spontanea*, sine*

data occasione totus affectus solvitur; vel si causa morbi in aliquo *viscere* hæserit, evenit interdum, ut sub *intensiori* & graviore quidem morbi processu *potior* & copiosior pars causæ *morbificæ* vel uberioris *sanguinis*, vel *staseos* sanguineæ resoluta & consumpta, vel *bilis* alicubi hærentis *acrioris* temperata & remota &c. fuerit, quod *residuum* autem præsto est, posteaquam medicamentorum usus *omittitur*, quando paullulum *vires* augescunt, *spontanea* modificatione ulterius & *alteratur* & separatur & ideo *hysterergia* *hiscæ* affectibus connectitur: Neque facile hæc *secundaria* curatio expectanda erit in Morbis *Corruptis*, si hæc corruptio provenerit a *perversis moribus*, si *maloregimine*, si *incongrua medicatione*, non minus in morbis *hæreditariis*, *anomalis*, *habitualibus*, *pravis animi* affectibus, ut & inquieta *immorigera*, & pertinaci *imaginatione* enutritis & sustentatis, nec non in affectibus *incurabilibus* atque *summum pertinaciæ* gradum assecutis: præterea in morbis alias *exquisitum typum*, aut etiam exactum *paroxysmum* observantibus: quin verius hæc *Hysterergia* in affectibus, *magis* quidem *chronicis* & aliquam temporis *elongationem* involventibus, in *leniori* autem adhuc gradu subsistentibus & *motibus naturæ* æque ac *medicamentorum* operationi obtemperantibus, expectari & indicari poterit: ideo LENTILIUS *Miscell. p. 475.* significat: *locum invenit, non in morbis acutis, sed chronicis, affectu hypochondriaco-hysterico, scorbuto, cachexia, chlorosi, viscerum intemperiebus, melancholia, hydrope &c.* addimus varias species *asthmatis*, *hepatis* & *splenis* modicos *infarctus*, *icterum*, *mesenterii* quosdam morbos, *œdemata* quædam, *vertiginosos* nonnullos absconditos affectus, *dolores* quosdam *chronicos*, quo-

quorum causa *haud* manifesta est, *tumores* & inflationes *abdominis* tympanitico-hydricos, affectus nonnullos *spasmodicos*, oppletiones humorosas pectoris, *Cephalicas* quasdam molestias, *artuum* torpores, insensibilitates, tremores, contracturas, *arthritico-paralyticas* affectiones & forte adhuc plures, sub attenta & judicioſa obſervatione obvios: cum quibus prædictæ ſubjectorum qualitates conciliandæ ſunt: unde liquet, hanc obſervationem *haud infrequenter*, ſed ob *intricatum* nominatorum affectuum ſtatum notatu dignam eſſe.

§. VI.

Quod nunc *Medicationes* attinet, quæ ad talem *Hysterergiam* diſponunt & præparant, tunc illæ *magis Alterantibus*, quam *Evacuantibus* abſolvuntur, licet hæc propterea *non penitus* excludantur: adminimum huc non pertinent *fortiora* evacuantia, aut quæ largas, *ſimultaneas* & præcipientes excretiones *urgent*, quippe quæ & cauſam morbiſicam impetuoſe aggrediuntur, aliquando etiam facilius *exacerbant*, quam ſubjugant & remonent, interdum *longe aliam* cauſam & movent & evacuant, ideoque totum medicationis proceſſum *confundunt*, inſuper *motus* atque ordinem *pervertunt*, valde ominoſam *ataxiam* provocant, morbi proceſſum corrumpunt & *vires* admodum deſtruunt, proinde *visceribus* pernicioſam *atoniam* conciliant, idque efficiunt, quod *Hysterergiæ* plane *contrariatur*: quando vero quædam remedia præter *efficacior* alterantem virtutem una blande, *leniter*, placide & tacite evacuant, illa *hysterergiæ* non adverſantur, ſed perinde reſpondent, ſiquidem modice & ſucceſſive *aliquam* cauſæ morbiſicæ copiam remonent, quo *reſiduum* *faciliori* opera *motus* vita-



les subjugare & separare queant. Plurimum itaque Alterantibus aut *præparantibus* tribuendum est, quæ causam morbi sive *laxius*, sive *tenacius* aut *humoribus*, aut *viis*, aut *visceribus* inhæreat, resolvunt, abstergunt, incidunt, colliquant, absorbent, involvunt, corrigunt, temperant, fluidam reddunt, vias leniunt, demulcent, emolliunt, viscera aperiunt, roborant &c. & ita multum ad successivam *plenariam* ejusdem causæ abolitionem contribuunt; & quamvis communiter hæc qualitas *Acidulis* & *thermis* juxta simplicem observationem adscribatur, nihilominus *aliæ* etiam medicationes constant, quæ talem curationem *secundariam pedissequam* complectuntur, haud tamen hoc loco sermo nobis de *incongruo* aut perturbato *harum aquarum* usu est, quemadmodum nonnunquam medici, qui cum illis *idololatriam* committunt, easque nimis, falsis, præjudicantibus, & adulatione jactantibus elogiis evehunt, ad hoc asylum, quando illæ juxta artis regulas adhibitæ, promissum, declamatum & speratum effectum non præstiterunt, confugiunt, insuperque *incongruum* earum usum, vel inconveniens *regimen* perperam accusare solent; quin potius testamur, quod aliquando regularem harum aquarum usum vix sperata opitulatio excipiat, ut adeo huic defectui hystergia subvenire debeat, quæ expectatam salubritatem demum affert: suo etiam confirmat suffragio LENTILIUS vir quondam integerrimus & STAHLIANÆ doctrinæ multum favens, insuperque curæ per acidulas, thermas, lac asininum, caprillum, bubulum, serum lactis aliorumque talium vel quasi arcanorum minime ignarus hanc annotationem in *Miscell. Pract. p. 475.* inquit: *profert nec vero me velim exclusum, qui haut raro ab acidulis & ther-*

thermis æque languentes rediisse vidi, quales abierunt, quamvis industriæ suæ reliquum in cura nihil fecissent (multi enim sua culpa peiores redeunt) præterlapsis enim tribus, quin imo pluribus nonnunquam mensibus, præter spem omnem perfecte convaluisse, per saluberrimam præcedaneæ curæ hysteregiæ: id quod aliis etiam locis, ut supra modo indicavimus, testatus fuit. Quod vero alias medicationes attinet, tunc pro morborum gravitate interdum peculiare curæ inveniuntur, seliguntur & instituuntur, de quibus dicunt, man müsse eine eigene Cur darmit anstellen: hinc certa remedia determinato temporis intervallo adhibentur, quæ post plenam ingestionem demum ad promissionem medicorum & expectationem ægrotantium in sequenti temporis mora salutiferam suam operationem exequi dicuntur: nec desunt etiam peritis medicis aut communes, aut singulares methodi, medicationes & substantiæ medicamentosæ, quarum effectus non extemplo, sed proxime sequentibus temporum terminis expectatur: ideo idem LENTILIUS l.c. indicit: præcesserunt medicationes diuturnæ, menstruis temporibus aut longiore quoque mora absolvendæ, quas Angli Willisius, Sydenham, Mortonus, Lister &c. cursus vocare amant: v. g. Cursus chalybeatus &c. Ejusmodi Cursus sive medicationes sunt v. g. ACIDULÆ, THERMÆ aliæve BALNEÆ Minerales nativæ, aut artificiales variæ, Cura LACTIS, vel, sibi relictæ varii ASININI, CAPRILLI, BUBULI, vel horum SERI, aut simplicis, aut herbis medicati: Fuscule, vina, cerevisiæ medicatæ, succi herbarum expressi, liquor betulæ, medicamenta chalybeata; Curæ viscerales, destillata magistralia &c. huc etiam pertinent medicamenta pilularum vel Tincturarum &c. forma, quarum

rum No. X. XI. XII. vel totidem guttæ ab initio assumuntur, singulis diebus adscendendo, iterumque descendendo, quod in acidulis plerisque fieri consuevit: Inde liquet, hystericam non uni soli medicationi, aut remediorum speciei & usui adstrictam esse, sed diversas illarum juxta solertem observationem admittere: ut propterea peritus & judiciosus Medicus non semper extemporaneam opem ordinatorum a se remediorum urgere & anxie expectare, sed interdum post aliqualem moram sperare & impetrare queat & debeat.

§. VII.

Ad Hystericam specialius significandam jam accedimus, & denotamus, quod interdum Febres acutæ continuæ ut superius monuimus, convenientibus remediis tractatæ, non quidem sub typico suo decursu solvantur, quamvis modicæ excretiones præcesserint, attamen pristinum suum typum mutant & amittentes, appendicem quandam morbosam post sat notabile temporis intervallum assumant & vel in lentam febrem, vel in chronicum morbum abeant, sub quo aut largiores sudationes, quæ coerceri non debent, aut laxior alvus, aut tumor œdematosus cum copiosa partis affectæ sudatione conjunctus, aut ulcus in cute sponte exoriens & liberalius plorans, vel superficiales inflammationes in apostemata transeuntes, contingunt, quibuscum nonnunquam pristina febris & valetudinarius status plenius & penitus solvitur, ac amissa sanitas revertitur: Seorsim autem notandum est, quod febres biliosæ, inflammatoriæ & sanguinæ nonnunquam hystericam cum largiori sudatione involvant, catarrhales autem quandoque diarrhæam salutiferam pedissequam habeant: nec desunt exem-
pla,



pla, quod *remittente maximo* febris gradu nihilominus *urina largior & tinctor* effluxerit, & cum hac, *consequenti* tempore, *scæ* quasi *prægressæ* febris excreta fuerit: Quod *intermittentes* Febres concernit, non desunt testimonia harum paroxysmos, post *idoneorum* remediorum usum aliquando cessasse, non vero *perfectam* sanitatem recurrisse, quin potius appetitum *prostratum* & vires *infirmas* remansisse, donec post aliquam moram *robur naturæ* laburram *hactenus* asservatam, nunc autem *melius* præparatam vel *laxiori* alvo vel *crebriori* vomitu excusserit, & ita partes *hactenus oppletas* liberaverit; Præter hosce febriles affectus interdum evenit, ut in *primis viis*, intestinorum canali, mesenterio & aliis *organis abdominis* impuritates variæ aliquandiu coacervatæ, & e *tota Massa Sanguinis* adauctæ, sustentatæ & *pabulo* aliquo congruo *enutritæ* fuerint, unde morbi quidam chronici cum colica, flatulentia, spasmis, inflatione abdominis, anxietate præcordiali, appetitus prostratione, nausea, conatu vomendi, dyspnœa, adstrictione alvi, retentione urinæ, aliisque pathematibus conjuncti, non tamen subito cum affectu *hypocondriaco* confundendi, oriuntur, in quibus usurpata *resolventia*, *aperientia*, *roborantia*, *evacuante* &c. *speratam* utilitatem haut *sufficienter* obtulerunt, unde ægri *tantæ* remediorum *multitudinis odium* percipientes, *liberum* affectui cursum relinquunt, sie sind des Arzeneyens überdrüssig, und lassen es gehen wie es will, donec post aliquam moram, ubi *hactenus* morbus *nec meliorem, nec deteriorem* statum assecutus est, sponte strenua & larga evacuatio alvina, per *diarrhœam* aliquot diebus durantem, aut *diuresis crebrior*, aut *sudatio* per plures dies continuans contigerit, quæ ad miraculum quasi *intrica-*

tum illum, hactenus toleratum, affectum *plenariè* & cum *sanitatis* consecutione solvit, unde exclamationes innotue-
re, man hätte nichts mehr vor ihr Leben gegeben, und sie wä-
ren auf eine sonderbare Weise wieder genesen: Ita non-
nunquam homines *pulmonum infarctu* laborant, qui mul-
tas & diu durantes creat vexas, *difficilem* causatur respira-
tionem, *tussim* valde suspectam, coloris naturalis deprava-
tionem, virium imbecillitatem, corporis aliqualem marco-
rem, omnium functionum ominosam mutationem, com-
plectitur & introducit: Cui affectui si opponuntur *apta*
remedia, contingit quidem ut hæc *aliqualem*, sed *semi ple-*
nam tantum utilitatem afferant, interea autem idem mor-
bus in *longius* se extendat, usque demum post temporis
notabilem tractum & quando ante usurpata remedia o-
missa fuerant, nunc sponte præter expectationem *largior*
quædam *expectoratio*, aut liberalior simul *sudatio* conse-
quatur, ab hoc etiam tempore ægri convalescere, pristi-
nas vires & amissam sanitatem denuo impetrare inchoent:
Quæ satis luculenta & attentis observatoribus bene gna-
ra sunt *Hysterergiæ salutaris Specimina* atque testimonia.

§. VIII.

Præter hæc annotata *Hysterergiæ* exempla, dantur
adhuc *varia alia* & quidem quando nonnulli homines
Glandularum obstructione laborant, insuper aut *cachecticum*
aut *hecticum* habitum corporis obtinent, indeque *chroni-*
cum valetudinarium statum incidunt; quod si adversus
talem aut *universalem*, aut *particularem* Sclerosin remedia,
præc. *mercurialia* secunda & congrua, quæ intimius & *po-*
rentius resolvunt, colliquant & aperiunt, *successive* vero
hanc operationem exequentur, adhibeantur, non modo
quali-

qualitas talium remediorum nimis *largum*, *continuum* & *diuturnum* usum illorum prohibet, sed & circumstantiæ requirunt, ut, dum illa remedia tam *cito* corpus *non* egrediuntur, illis *aliqua temporis* mora concedatur, qua *necessariam* suam efficaciam exserere queant, unde demum iterum contingit, ut *non sub* eorum medicamentorum usu, sed *post* aliquod temporis *intervallum* exoptatus & salutaris effectus, aut modico *ptyalismo*, aut leni *diarrhæa*, aut temperata & conveniente *sudatione* manifestus, consequatur: Simile & plane *parallelum* quid accidit, ut vel ob *malam dietam*, vel ob malum *regimen*, vel ob valde *depravatos* humores, vel ob *malam* medicationem *scabiei*, tumores glandulosi in *collo*, & circa *aures* atque *maxillas* oriantur, quibus *dissipandis* nonnunquam utiliter *secura mercurialia* medicamenta adhibentur, quæ non *præsentaneum* & *extemporaneum* salubrem edunt effectum, sed hunc post notabilem temporis tractum conciliant: Magis *luculenta* talis est hysterergia, quando selecta, *secura* & probata medicamenta *mercurialia*, velut *præcipitationes* mercurii condignè *dulcificati* certis affectibus opponuntur, taliumque pulverum certus numerus per *aliquot* dierum seriem assumitur, & ita hæc cura *terminatur*, inde evenit, ut mercuriale tale medicamentum per *plures* consequentes dies in corpore subsistat, suumque effectum præstet, qui tandem *successu* temporis cum *sanitatis*, *indies* redeuntis, *consecutione* apparet: Idem etiam ordinarie contingit, quando *Salivationis* cura adhibetur, quæ *consequentem* talem *mercurialium* auxiliorum operationem comprehendit. Quodsi porro *modici* infarctus in *hepate* aut *splene* obtigerint, quibus resolvendis, aperiendis, discutiendis, inciden-

dis &c. varia Salina, lenientia, diluentia, infusa vinosa & aquosa, decocta, balnea naturalia aut artificialia, acidulae naturales aut artificiales, Tincturae, diuretica incidentia &c. ordinantur, tunc singula haec vix confestim obstructa talia viscera permeare & penetrare valent, quando, vero illorum usui congrua vectura, equitatio & peregrinatio subjungitur, tunc praeviae occlusiones recluduntur, ita ut ad felicem & *salutiferam* hysterergiam promovendam & *invitandam*, saepe *plus* ejusmodi regimen, quam praemissum *remedium* conferat: id quod de *Acidularum & thermarum* usu valet, quarum aquarum *salubris* virtus *sine tali* regimine *nulla*, vana & jactabunda est, cum vicissim sine harum aquarum usu, alia salia incidentia & solventia cum sufficienti *vehiculo* liquido *soluta*, aut *congrua* decocta & vina medicata sub *ejusmodi* regimine usurpata, *eundem* effectum producant, quippe quae *posterior* cura longe certior, *constantior* atque vilior existit, cum prior *utpl. palliativa* juxta *innumera* testimonia esse soleat, & loco salutaris hysterergiae *subita mors*, irruat, hinc illud asylum: *er hat sich nicht darnach gehalten.* Dantur etiam morbi, quorum valde *pertinax* sedes in *humoribus* haeret & in *peculiaris* pravitate consistit, quae tam facile corrigi & immutari non potest, ideo adhibita remedia aliqualem accessum & praeparationem faciunt, ut *aliqua* copia *intemperatae* & *perniciosa* causae abstergatur & excernatur, reliqua *perdita* quantitas humorum *successive* melius diluatur, emolliatur & ad consequentem *meliozem depurationem* praeparatur, alia portio *depravata* dissolvatur, & in comminuta tali qualitate facilius evacuetur: qualis processus *haud* in *brevi* temporis circuitu perfici potest, ea propter post aliquam

quam

quam temporis distantiam *largiores*, iique admodum *distincti*, ac per plures dies continuantes sequuntur *sudores*, quibus *præcedens* morboſa afflictio *ſpontaneo* curſu tollitur: Et quid dicamus de talibus morbis, qui poſt longum remediorum uſum, tandem in ſponte orientes *tumores*, *apoſtemata* & *abſceſſus* mutantur, e quibus aliquandiu *magna* copia ſcetidæ & pravæ materiæ ſecedit, quæ conſequens excretio non parum *prægreſſam* valetudinem *adverſam* mitigat & minuit; quo etiam obſervatio *naturalium fonticulorum* referenda; & hæc ſufficiant breviffima *historica* commemoratione quoad factum, ſive obſervationes non raro æque obvias demonſtraſſe, quod & ubi *Hysterergia* occurrere ſoleat.

§. IX.

Subinde autem indicandum erit, quod hæc *Hysterergia* non *absolute* & *ſemper ſalutarem* aſſequatur effectum & *eventum*, ſed quod interdum *ſiniſter* exitus ſpem fallat, ſiquidem aliquando *cauſa* morbifica *gravitate* & *pravitate* ſua, vires *naturæ* & *remediorum* ſuperat, ut fruſtra medici illam ſperent & expectent: ideo etiam pro fama artis & Medici militat, ne in *promittendo* ſalutari eventu atque ſucceſſu *præcipitantia* & *levitas* animi committatur, ne *fraudulenta* medici actio accuſetur, quando pax & ſanitas promittitur, & mors atque deſtructio ſequitur: *conf. BOHNIUS de offic. Med. duplic. Part. I. cap. 8. pag. 184. 185. Paulus ZACCHIAS Qu. Med. Legal. Lib. 6. tit. 1. qu. 4. n. 14. dicit: medicus Chriſtianus non debet certam incolumitatem ægro polliceri: FONSECA Oeconom. med. cap. XI. in caſibus incertis, ancipitibus aut dubiis, nihil certum prædicendum nec promittendum, licet aliquid ſperandum: LENTILIUS in*
D 3 *Eteodr.*

Eteodr. p. 993. cautum se præbeat Practicus, ne salutem pollicendo, si res aliter ceciderit, adstantium semel ludibrio exponat: Ob id in hac hystergia triplex hic status annotandus erit, primo quando certiora indicia consequentis sanitatis adsunt, dein quando ambigua & fallacia talia signa occurrunt, tandem quando meliora quidem crinomena affulgent, quæ tamen per varia accidentia intercurrentia, & illa etiam leviora salutari suo decursu destituuntur: Primum statum quod concernit, tunc prudens medicus ex causis ætatis vigorosæ, naturæ robustæ, virium præsentium & præstantium, gradus morbi adhuc mediocris & tractabilis, remediorum adhibitorum, quando aliqualem desideratam utilitatem & opem præstiterunt, neque plane otiose usurpata fuerant, ægri animi patientis, morigeri & obtemperantis, morbi magis in meliorem, quam deteriore statum incllicantis, præcipuarum excretionum modicæ continuationis, appetitus & somni mediocris perseverantiæ, animi tranquilli & confidentis, alicujus ægrotandi adsuetudinis & tolerantia, firmitatis & præsentia erga res extraordinarias, insuetas & offendentes &c. certiozem hystergiam salutarem prædicere, & secundum hosce characteres, reliquos dubios observare, dijudicare & indicare poterit: ideo medicam partem prognosticam FRANCUS in notis in Zacchiæ qu. med. leg. Lib. 4. tit. 1. qu. 5. n. 8. appellat σοχασμὸν τεχνικὸν: vid. Casp. HOFFMANNI institut. med. Lib. 1. cap. 1. §. 3. seq. BRUNO dogmat. medic. gener. proleg. DIETERICUS Fabr. Hippocr. n. 1. aliique. Et ita idoneus & peritus Medicus omnes circumstantias quoad ægrum, quoad morbum, quoad remedia quæ adhibita fuerant, quoad methodum, qua illa ordinata fuerant, quoad effectum illorum



lorum &c. judiciose observat, conciliat, & dijudicat, ne fallacem hystherergiam prælagiat: eam ob causam *Casp. Caldera de HEREDIA de prognosis fallacia* monet: *cave ne præsentibus signis melioris spei, absolute bona polliceares, una enim nox totam spem fallere potest*: ea propter etiam LENTILIUS in *Miscell. med. pr. p. 474.* confitetur: *ita cum hystherergia medicinali comparatum est, ut præter inane solatium, aliquando nihil omnino languentibus reliquum maneat, donec justitiæ supremus exsecutor, ferus verusque carnifex Mors, litem immisericordi falce dirimat*, quid quod porro testatur, ut supra §. 4. in fine allegavimus, quod sæpe numero hoc salatium evanidum sit, & subsequente morte sigilletur; nihilominus alii etiam casus melioris operationis atque successus innotescunt, qui prudentem Medicum certiorant & confidentem reddunt, quo hanc hystherergiam judiciose ordinet, & fundatis atque solidis rationibus instructus naturæ etiam viribus ad salutares effectus obtinendos utatur, nec remediorum supellectile aut abutatur, aut præter necessitatem ægrum oneret & enervet.

§. X.

Paucis adhuc illarum causarum reminiscimur, quæ in *salutari* Hystherergia attendendæ veniunt: præsupponit hæc Cura *consequens*, præcedentem usum remediorum congruorum & utilium, nec non aliqualem convenientem illorum operationem prægressam, ita ut hæc omnino cum morbifica causa *physicum* suum commercium habuerint: proinde etiam usus docet, *eadem* remedia, quando in toto curationis studio omittuntur, *nec penitus* e corpore ægrotantis *excreta*, nec penitus in corpore *otiosa* latitare, sed aliquandiu adhuc *modicam* vim & efficaciam exserere &

& continuare, quæ præsentis morbi *reliquiis* quadantenus facit satis: *Sola* autem remedia tam *arduum* opus in ægro corpore *principaliter* perficere haud possunt, siquidem alias *salubris* effectus medicamenti affingi non potest, quod amplifice PRÆSES in *tr. de medicamentorum modo operandi in corpore vivo* demonstratum dedit: ideo in hoc negotio tam *remediorum salutarum* operationi, quam reliquæ Hysterergiæ administrandæ & perficiendæ *dignior* longe causa, quam *materialis* subvenit; quemadmodum oblata remedia haud per *magnetismum* ad *causam* & *sedem* morbi trahuntur, ducuntur, trudentur, pelluntur, necessitantur &c. nec *fluidis* & *solidis* partibus, nec grandi illi idolo *elate- ris* & *æquilibrum* tanta inest vis, ut salutarem illum effectum producere & dirigere valeant: ideo talium medicamentorum operationi *motus vitales* ita subveniunt, ut nihil *tumultuarii* inde oriatur, sed ut *successive* causa morbifica *condigne* ad futuram abolitionem & remotionem præparetur, neque illa remedia in tam ægro corpore, sub ejusmodi *motuum* vitalium *offendiculis* alicubi subsistant, & illic vexas & alterationes *novas* causentur, quod per rationem *mechanicam* æque facile contingere potest, ac *salubris* inde effectus expectandus est: Quando itaque LENTILIUS *l. c.* antea de acidulis & thermis, de lacte asinino, caprillo, bubulo, de sero lactis &c. verba fecit, porro p. 475. *Miscellan.* pergit: quæ autem sit ejusmodi hysterergias ratio, disquirere non fuerit prorsus inutile: præsupponimus autem animam sensitivam, archeum aut quocunque demum nomine veniat ille Paterfamilias &c. addimus quæ Casp. HOFFMANNUS *Orat. altera* p. 8. docet: quemadmodum oculos sine capite curare non decet, nec sine reliquo corpore

caput,



caput, ita neque sine anima corpus: & hæc causa est cur
plerique corporis morbi lateant Medicos Græcos, quia igno-
rant, quid sit id, quod imprimis curam suam desiderat, quo
male affecto fieri non potest, ut illa pars bene habeat: A-
NIMA hæc est, e qua in corpus HOMINEMQUE TOTUM,
manant OMNIA, tam BONA, quam mala, non secus ac
ex capite fluxiones fiunt: hanc igitur ANTE OMNIA
curare oportet, siquidem recte curatum volumus corpus &c.
&c. Inferimus itaque quod ad Hysterergiam salubrem
producendam, illa causa absolute requiratur, quæ tot com-
plicatos respectus extricare, arduas corporis afflictiones,
mutationes, alterationes & offensiones tam suis viribus, quam
remediorum ministrante usu, quoad specialissimas suas cau-
sas corrigere & in meliorem partem convertere potest:
etenim fatua & inutilis est exceptio, quia talis processus se-
& excretoriis functionibus administratur, anima vero neu-
trum potest, ergo anima ægrotum corpus sanare & re-
stituere haut valet, quales nugæ, ne quidem responsione
dignæ vervecini cerebri spiritibus relinquuntur: nam ex
imperfectis experimentis chymicis, aut rectius turbulen-
tis confusionibus diversorum liquorum aliquam claudi-
cantem & scetentem assimilationem secretionum ad natu-
ralem, ordinariam & extraordinariam se & excretoriam
functionem variis ætatibus, corporibus, morbis, temporibus,
gradibus, ordinibus, regiminibus, vitæ generibus, ingestis
alimentis, potulentis, medicamentis respondentem &c.
manifestam imbecillitatem rationis, ne dicam iudicii
produnt: quamdiu itaque nondum demonstratum est,
nec demonstrari potest, quod tales se & excretiones, hi-
sce qualitatibus notatæ, ab aliis causis formari, informari,
E apposi-

apposite applicari & dirigi queant, tam diu per enthymematicam conclusionem inferimus, animam illam, quippe naturam, *nunquam* hactenus *sobriis & solidis* rationibus destructam, etiam in *hoc Hysterergiæ* Processu officiosam & negotiosam, *neque ullam* aliam causam *sub Sole & Luna* obviam esse, quæ in ordine *naturali principalius* tale negotium perficere posset: Hæc sunt, quæ succincta deductione, de Hysterergia Medica præsentis specimine commendare & explicare placuit: finem huic labori imponentes DEO benignissimo pro præstito auxilio devotissima gratiarum actione præsentem meditationem consecrantes, quo eandem alma sua directione & benedictione ad salutarem promoveat usum atque

F I N E M.

NOBILISSIMO
DOMINO CANDIDATO

Ἐπιτυχίαν

P R Æ S E S.

AQuum atque sincerum SIMONIS PAULI in *Q. B. tit. Nymphææ in fine*, est iudicium, quod de certi cujusdam Medici candida confessione fert, quando eloquitur: *quis hujus viri candorem satis potest laudare: eam enim confessionem si plures imitarentur scioli, nec mordicus suas præconceptas opiniones defenderent, Philautia*

lauria ita occæcati, ut Thyresia sint cæciores, longe rectius utique irent res humanæ, ac jam usu venit, multæque peritura parceretur chartæ. Id præc. ad varios processus Præxeos medicæ applicandum esse judico, quorum quidam fluctuantes atque erronei, Patrocinium aut quærunt, aut inveniunt, alii salubres & periti vicissim nihilominus suos Censores inveniunt: Disceptatur de veritate, quam omnes affectant, & utinam omnes possideant. Ut autem non omnia negotia Practica extemporaneo successu salutifero comprobantur, ea propter tamen illa haud præcipitatem & rigorosam promerentur animadversionem: etenim variorum morborum status & gratus ita obstinatus est, ut in spe & silentio, sub hora & mora consequens tandem auxilium expectandum sit: judicet interea de viri cordati officio quisquis voluerit; in fine videbitur in quem culpa sit conjicienda. Quemadmodum enim non omnes morbi artis potestati absolute subiecti sunt, ita non pauci illorum sunt, qui temporis demum successu franguntur, nec continuo ausu & usu remediorum cogi aut volunt, aut debent: ut porro ægrotationibus interdum tempora & mora sua relinquenda, ita ars medica & remediorum vires suos habent limites, cursus atque decursus. Hæc judiciofa expectatio haud errori adscribenda est, ea propter tamen Medici minime infallibiles sunt, sed juxta LENTILII monitum in *Eteodr. p. 4.5.* errores ipsi suos ingenuè confiteri, nec sua consilia, inventa & facta gloriose tantum ostentare, sed æque & prudenter cognoscere debent, quod bonus interdum dormitet Homerus. Secum enim in foro Medico habitare, prudentis Medici character est: quid quod juxta PLUTARCHUM *de aud. poet. ep. 19.* non timide velut in templo omnia horrere, omniaque superstitiose revereri se de eo, quod decet libere ac intrepide

pronunciare oportet. Eadem TIBI NOBILISSIME
DOMINE CANDIDATE fuit intentio, dum perutilem
aliquam observationem Practicam Inaugurali hoc Speci-
mine ventilare, nemini autem meditationes Tuas obtru-
dere, suscepisti: exhibes hoc labore non vulgarem, attamen
nondum ampliori studio exaratam tractationem,
quæ Curationem morborum quasi cunctatam & seroti-
nam complectitur. Selecta etiam argumenta, quæ simul
crebrioris usus & applicationis sunt, non quidem novita-
te, nec curiositate, utilitate autem se commendant. Si-
quidem Tibi hucusque laude dignum studium curæ fuit
cordique, tales sub indefesso studio cum reliqua proba ac
bene morata vitæ integritate conjuncto colligere fructus,
quos genuino artis Medicæ exercitio cum futuro emolu-
mento salutis proximi applicare vales: nec unquam Te
pœnitebit ejusmodi hausisse scaturigines, quæ ad curatio-
rem cognitionem Naturæ, ita dici solitæ Stahlianæ, certe
minus pigræ, sed sufficienter ac judiciose operosæ & pru-
denter negotiosæ, sub cujus umbra, protectorio & alis o-
mnes, quos reliqua esuriens delinquit ratio, gratiam quæ-
runt, recta, regia, rata & stata ducunt via: Maacte sis hac
veritate; dum non nisi pigra & nigra ingenia hosce fugi-
unt, deserunt & a tergo adspiciunt limites. Plus ultra
ductus & ordines Naturæ scruteris velim: ita experieris,
de quo multi sibi gratulantur, de quo ego Tibi nunc gra-
tulator, atque candido animi affectu prosperos Tibi appre-
cor ominorve rerum successus: nosti nobis symboli instar
inervire, operari conscientiose & judiciose, quæ qualita-
tes cœlestem semper concomitantem habebunt benedi-
ctionem, quæ Tuis ut annuat honestis conatibus, semper
faveo. Vale. Dabam Pridie Calendarum Aprilis, ipsis
Paschalis Festi Vigiliis. A. R. S. cIdo Idcc xxxvi.

VIRO IVVENI
NOBILISSIMO ET PRAECLARE DOCTO
IOANNI DANIELI SCHNAPPERO,

S. P. D.

IOANNES IVNCKERVS.

Differtationis Tuæ, VIR CLARISSIME, argumentum nominis quidem intuitu recentem admodum habet originem, dignitatis autem & vsus amplioris respectu ad principes rei medicæ veritates, quas iam antiquitas passim agnouit, referri meretur. Quo vero rarius hæc veritatis planta in Medicorum agris colligitur: eo sanctius sane in illo colenda est. Siue enim *hysterergiam* consideremus illam, quam ipsa natura motibus suis emendantibus, suppleantibus & consummantibus intendit, siue alteram, quam artis ministerium præstare debet: Tu, VIR DOCTISSIME, satis indicasti, quam sæpius vel ignare præteruideatur, vel peruerse administretur. Quare sicut actum de nouo agere incongruum esset, ita vulgare tantum illud vitium inculabo, quod in synergis ministris, ad secundarios illos labores conuocatis, deprehendendum obseruamus. Videlicet his vsitatissimum est, antecessorum suorum medelam inculpare, eorumque labores præparantes adeo reiicere, vt effectum quemcumque bonum fibimet solis deinde arrogare studeant. Quum vero hæc in alieno labore gloriatio, ceu pestilens virus, officia quæcumque medica turpiter commaculet: tum sinceri Medici est, perpetuo recordari, *feminantem* esse alium, alium *metentem*. Qui vero æqui huius iudicii obliuiscitur, alteriusque labores perfide contemnit, ille talionis lege eandem iniquitatis censuram certissime demum incurret. Verum enim vero alia adhuc datur *hysterergia* medica, vbi ἑγρον πρῶτερον non fuit

laudabile, sed morbum corrumpendo ægrotantem in statum periculosiorem coniecit. Empiricas puto curationes & cæca illa tentamina, quæ per vulgus passim instituuntur. Horum quidem antecessorum labores tantum abest, ut probare possimus, ut potius quovis modo reprobandi sint. Quumque hi morbi corrupti præ aliis frequentius occurrant: tum *hysterergia* medica longe maiores in illis curandis difficultates offendit. Testes in hanc rem citare alios non opus erit: Tu enim Ipse, VIR CLARISSIME, elapso hoc biennio, quo Te praxeos medicæ synergum habui, satis expertus es, quod raro alii, quam quidem corrupti morbi Medicorum curæ offerantur. In his quid faciendum sit, quid omittendum, non eadem omnibus est sententia: alii enim τὸ ἀπέχειν consultius iudicant, dicentes: *man curire nur seine Schande daran*; alii autem adflictos deferere iniquum putant; præcipue cum eorum nonnulli interdum restituantur. Quæ via uti certior est, sic falsam iudicamus circumspectionem illam, quæ medicinæ in primis tirones famæ suæ per abstinentiam ab his ægris prospicere cupiunt; quasi vero non daretur occasio, iusta prognosi artis ministerium tueri, & lethali euentu genuinas causas explicare. Hæc sunt, quæ thematis Tui occasione Tecum, VIR CLARISSIME, communicare volui, debui. Ceterum gratulor Tibi & vere gratulor de cursu studiorum feliciter nunc absoluto. Bene Tibi dicat DEVS, & rebus Tuis perpetuam largiatur felicitatem. Vale! dab. d. XXIX. Mart. MDCCXXXVI.

E P I G R A M M E.

Tu parois donc enfin, dans ces lieux destinez,
Aux doctes filles de Memoire;
Parmi leurs fils, qu'on y voit couronner,
Tu t'acquires de la gloire.
Toi qu'on vit epuiser, les sublimes écrits,
Et d'Augustin & d'Avicene;

Chez

Chez toiles corps, ainsi que les esprits,
Trouveront leur Galene.

Ces peu de mots à été jugé dû à un ancien & fidele Ami,
par son très humble serviteur

Jean Philipe Baratier, Maitre és Arts.

DU Dich, geehrter Freund, ietzt Ehr und Bürde zieren,
So seyret mein Gemüth auch Deinen Ehren-Tag;
Es fordert Schuld und Pflicht hlerzu zu gratuliren,
Nur leyder! daß mein Kiel nichts würdiges vermag;
Jedoch die Freundschaft solls mit stumpfer Feder wagen,
Dir meines Herzens-Wunsch und Neigung vorzutragen.
Aufrichtigkeit und Treu fliehet schmeichelhaftes Wesen,
Drum ist auch dieses Blat von solcher Schmincke frey:
Du wirst kein Ruhm-Gedicht noch eitles Lob hier lesen,
Ich weiß, daß Dir's verhaßt, und mir zuwieder sey,
Fridriciana kan durch Ihre Gunst schon lehren,
Wie hoch wir Dein Verdienst und Wissen sollen ehren.
Dich hatte zwar, mein Freund, der Herr schon ausersehen,
In seinem Weinberg ihm ein treuer Knecht zu seyn,
Dem Schul-Amt öfentlich als Lehrer vorzustehen,
Doch gab ein innerer Trieb Dir andre Neigung ein.
Du legst mit frohen Muth Dein Amt freywillig nieder,
Und widmest Dein Bemühn Hygeens Künsten wieder.
Du hast hieben die Wahl nach Herzens Wunsch getroffen,
Die Gottes Fügung hieß und nicht zu bessern steht,
Des Himmels-Gunst läßt Dich nichts als nur Gutes hoffen,
Und macht daß alles Dir erwünscht von statten geht,
Verknüpfe nur, mein Freund, hinfort die beyden Lehren,
So wird sich, wie Dein Glück, so auch Dein Segen mehren.

C. L. Behrens, Gandersh. M. C.

ES Medicus duplex sanans cum corpore mentem:
Hæc Tibi cura fuit bis Pritanza adeuns.
Hinc primo didicit prophetica verba juvenus,
Quo vivas iustus matria cura fuit,

Ac cineres patrios olim reddas redivivos;
 Temppla fuerunt quantum, scholaque præstiteris.
 Nigra tamen vestis poterat te cogere nunquam,
 Quo Clero constans obsequium voveas.
 Nam gliscens ardor Phœbea ex arte cluendi
 Continuo crevit: Læte labore Tuo.
 Es mensus felix studium dudum meditatam,
 Laurea quare Tibi pro diademate erit.
 In Patria civitate sequentur præmia plura,
 Te cupiunt omnes, acceleres reditum.
 Concurrunt ægri, certant citius veniat qui,
 Ipsorum tollas funditus arte malum.
 In manibusque suis simul aurea præmia protant:
 Sicque beatus erit morbidus & Medicus.

J. Usenbenz, Ulmens. M.C.

Bey wem sich Fleiß, Verstand und Kunst vereint befinden,
 Dem muß Hygea selbst die Lorber-Gränze winden.
 Diß trifft bey Dir, mein Freund, vor vielen andern ein,
 Drum wird auch, was Du thust, beglückt, geehret seyn.
 Erfülle demnach heut Dein längst gehabtes Sehnen,
 Daß mit dem Doctor-Hut Dich Halle möchte krönen.
 Leb also stets vergnügt, der Höchste seegne Dich,
 Und wenn Dir's glücklich geht, so dencke auch an mich.

Joh. Christ. Untzer, Halens. M.C.

A Scendis cathedram clypeatus telaque portans;
 Te tueare licet, vulnera des caveas.
 Pace feres etenim palmam, qua dignus haberis:
 Si lædis, MEDICI nominis esto memor.
 Arma tamen teneas, ac hostis dicere mortis;
 Quam si depuleris, DOCTOR amatus eris.
 Si succumbis ei, vitæ solabitur auctor
 Sic fatus: DOMINUS sum MEDICUSque tuus.

Fridericus Esmarus, Flensburgens. M.C.

Freund, Den ich so zärtlich liebe,
 Da Jugend und Geschicklichkeit
 Dir dauerhafte Gränze bent;
 So war ich aller Straffe werth,
 Wenn ich allein zurücke bliebe.

Gewiß, wer Dich wie ich verehrt,
 Dem dient Dein Ehren-Tag zur Lust.
 Er lacht, er wünscht in seiner Brust
 Bey Deinem steten Wohlergehen,
 Des Glücks Gerechtigkeit zu sehen.

A. R. J. Bünnemann,

